



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

DCXXI. Kurfürst Joachim hebt zu Gunsten der Stadt Salzwedel das allgemeine Landesgesetz auf, daß kein Weltlicher wegen Schuldsachen vor geistlichen Gerichten klagen soll, am 3. December 1521.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

gebord vnſes hernn veſſeyn hundert vnd Eynvndtwintich Jare, Mandage vndecim millium virginum dage.

Nach dem Originale des Salzweſeler Archives XXVI, 37.

DCXXI. Kurfürſt Joachim hebt zu Gunſten der Stadt Salzweſel das allgemeine Landesgeſetz auf, daß kein Weltlicher wegen Schuldsachen vor geiſtlichen Gerichten klagen ſoll, am 3. December 1521.

Wyr Joachim, von gots gnaden Marggraue zw Brandenburg, des heiligen Romiſchen Reichs Ertzkamerer etc., Bekennen —. Nachdem wir hienor aus notturfft vnd beweglichen vrfachen ein gemeine ſatzung vnd gebott Inn vnſern Churfurſtenthumb vnd landen der Altenmark vnd ſunderlich in Soltwedel daſelbſt gethan, Das keine leyhe oder werntliche perſonen die andern vmb gelt ſchulden vnd andere werntliche ſachen mit geiſtlichen rechten vnd proceſſen furnehmen ſoll bey pene funzig gulden, die vns ein yeder, der hiewider thut, vnablaſſlichen geben ſoll; weil vns dan vnſir liebe getrewe Burgemeiſter vnd Rathmann beyder vnnſer Stete Soltwedel mit warhaſtiger vnterricht furgetragen, das Inen vnd Iren Innwohnern den bann alſo entlich zuuorneiden gantz vntreglich vnd zum teyl eyn vorderb vnd ſchad ſey, Vnns auch daneben mit hoher demuth gebeten, ſolich ſatzung vnd gebott wider zw caſſiren Vnd ſie vnd Ir Innwonhere dem Bann vnd geiſtlich proceſſe, wie von alters vnd wie ſie dann damit durch gemeinen Receſs des Kurfurſtenthums der margk zw Brandenburg hieuor priuilegirt ſein, geprauchten zulaffen; Des hebben wir angeſehen Ir anliggend notturfft vnd vnderthenige bitte, Vnd Inen widerumb vorgunnt vnd zugeſtatt, Gonnen vnd zuſiatten auch Inn crafft vnde macht dies briues, das ſie vnd Ir nachkommen die geiſtlichen proceſſe vnd Banne, wie von alters vnd nach laut des Receſs vnd Concordantie prelaten, hern, Mann vnd Stette gedachts kurfurſtenthums Innerlandes hinfur widerumb geprauchten vnd ſuchen moghen, vnuorbindert ſolicher vnnſer ſatzung vnd gebots. Aber auſſerhalb vnſers landes vnd gebiets ſoll Ir keiner den andern Inn einichen ſachen geiſtlichen oder werntlichen mit geiſtlichen rechten nicht furnehmen noch tribuliren keinerley weyſe, bey vormeydung vnſer ſtraff vnd vngnads, wie dann das nach vormoge vnnſer priuilegien altherkommen, auch ein gemein Conſtitucion vnd Vbung iſt. Alles getrewlich vnd vngeuerlich. Zuurkunt mit vnnſerm anhangendem Ingeſigel vorſigelt vnd geben zw Colnn an der Sprew, am Dinſtag nach Andree apoſtoli, Nach Chriſti vnſers lieben hern geburt Im funfzehnhunderſten vnd einvndzwanzigſten Jhare.

Nach dem Originale des Salzw. Archives VII, 14.